



## Universitätsbibliothek Paderborn

**Sancti Bonaventvræ Episcopi Cardinalis Albanensis,  
Seraph. Doctoris Ecclesiæ, Speculum Disciplinæ, Et  
Profectus Religiosorum: Libelli ad pietatem vtilissimi**

**Bernardus <de Bessa>  
Bonaventura <Heiliger>**

**Antverpiæ, 1591**

De affectu auaritiæ. Cap. XVII.

[urn:nbn:de:hbz:466:1-53148](#)

mo gaudeat de insaniis falsis, & de affluentia temporalium rerum & honorum, & voluptatum in risu & derisu & fabulis & turpibus ludis, & fastidiat omnia quæ Dei sunt, & insipida sint ei, & tædeat cùm interest diuinis: & ex hoc pigriter ut ad studia deuotionis & virtutis, & euageretur cor circa inutilia & vana & immunda, & grauiores labores corporis libenter sustineret in aliis occupationibus & negotiis, quam ut insisteret spiritualibus & diuinis: Vnde accelerat ab eis absolui quanto citius potest: & negligenter facit illud quod facit, nisi forte lucrum vel laudem inde speret consequi, vel aliud commodum temporale. Ex inordinata autem tristitia gignitur tædiū boni, dum nil liber facere boni vel cogitare vel loqui. Similiter ex dissolutione tedium boni nascitur, dum tantum intenti sumus vanis levitatibus, quod tædet nos spiritualibus studiis intende-re, & quasi anxiāmur cùm debemus auelli ab otio & iocis secularibus, & seriosis exercitiis occupari. Vnde quasi ligati catuli ad stipitem renitēti animo cogimur esse in diuinis, & hoc est acedie vitium & tædiū boni. In hoc multi religiosi laborant, & pauci superant.

### *De affectu avaritiae.*

CAP. XVII.

AFFECTVS autem avaritiae datus fuit homini, ut esset cupidus magni meriti apud Deum, & magnarum virtutum & multorum bonorum operum, & ut multas animas lucraretur Deo, docendo, orando, bonum exemplum dando, & iuvando ad profectum salutis, & ut non esset homo contentus bono quod iam haberet, nisi laboraret ut multiplicetur augeretur ei, & gratia, & opera virtutum.

Sed

Sed nunc delapsa est ad cupiditatem temporalium rerum, pecuniae, possessionum, & quarumlibet rerum etiam vilium, quae colligit quasi homo semper debeat viuere; & mundus perire: ut congregetur quantum valet, ne percurrente mundo non inueniat unde viuat. sicut Noe Gen. 6, 13 imminente diluvio comparauit escas, quas haberet, quando omnia diluvio periissent. Et quanto magis homo morti appropinquat, tanto studiosius congregat & custodit: ut ex hoc ostendatur quam sit irrationabilis avaritia, eo magis colligere quo minus indiger. sicut qui Simil. multum viatici fert pro breui via, & qui sumptuosam domum construit pro unius noctis hospitio. Ideo autem Deus voluit nos semper incertos esse de hora mortis, ut parum de temporalibus cogitemus: sed omni hora timemus multa perdere de æternis, ad quæ semper sine intermissione properare debemus.

*De appetitu victualium.*

## CAP. XVIII.

**A**PPE T I T U S victualium datus est nobis pro corpore, ut sustentemus naturam, & possimus durare in seruitio Dei. & multum mereri. Etenim moderatus & parcus victus uniformis, diutius conservat naturam, dum non opprimit vires eius, sed reficit & sanitatem conservat uniformis dieta: quia natura contemperat se ei & non turbatur semper ex nouis & ignotis escis. Unde quidam claustrales diutissime viuunt sani. Sed appetitus ille naturalis modo effusus est in voluptates & insuperfluitates, ut non simus contenti unde sustentetur natura, sed unde palatum oblectetur. & cum talibus assueti fuerimus, & natura se eis contempnererit, cum aliquando tenuioris victus